



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab Anno Christi 813. Usque Ad Annum 859

Fleury, Claude

August. Vind. [u.a.], 1760

VD18 90117867

§. 26. Liber secundus & tertius.

[urn:nbn:de:hbz:466:1-66103](https://nbn-resolving.org/urn:nbn:de:hbz:466:1-66103)

blico perorent, si ad Missam celebrandam, intrent cum suis Ministris & Missa finita sine mora exeant, si ad excipiendas confessiones, ante Altare confitentes audiant presentibus testibus haud longe stantibus.

Sæculum IX.
A. C. 829.

Fœminæ ad Altare ministrare, Vasa Sacra tangere, & multo minus Corpus & Sanguinem populo præbere non præsumant.

c. 45.

§. XXVI.

Liber secundus & tertius.

Liber secundus Concilii Parisiensis articulos tredecim de Officiis Regis, de verbo ad verbum ex Tractatu exiguo Jonæ, Episcopi Aurelianensis, in Concilio presentis, descriptos complectitur, quem Tractatum Jonas anno superiore octingentesimo vigesimo octavo Pipino Regi Aquitaniæ inscripserat, & quinque capita Tractatus sui de Institutione Laicorum inseruerat.

to. 5. Spicil.
p. 57 v. præf.
ejusd. tomi.

In fronte Libri tertii visitur Epistola Episcoporum ad Ludovicum & Lotharium Imperatores; nam semper conjungebantur. In ea rationem reddunt illorum omnium, quæ in Concilio, ut jussi fuissent, egerant. *In articulos divisimus, inquit, quæ ad Religionem Christianam spectant, officia nostra, emendationem nostram, & quæ populos moneri*

Q 3

opor-

Sæculum IX. oportet. Hæc ad vos mittimus, ut legatis, & ad examen vocetis. Libro secundo inseruimus quosdam articulos necessarios de officiis vestris, quos tanquam monita salutaria familiari libertate vobis offerendos esse existimavimus. Sequuntur aliqui articuli ex illis, qui in Conventu nostro edidimus, excerpti & quos executioni dari a vobis postulamus. Quippe viginti septem articulis quibus Liber tertius constat, plerique et primo repetuntur. Septem priores articuli sunt illi, quos Episcopi maxime necessarios judicabant, alios decem effectui dari poscebant. In illis mentionem faciunt de multis superstitionibus quæ de moribus Gentilium remanserant, de Magis, de Hariolis, Sortilegis, Veneficis, Divinatoribus, somniorum Interpretibus, de iis qui possunt turbare aerem, grandinem immittere, fructus & lac auferre.

Hæc Episcopi possibile esse credendum videntur.

c. 6. II. 10.

In his itaque efflagitant, ut in nullis Oratoriis domesticis, nec in ipsa Regia Sacra peragantur. Ut Concilia convocentur. Ut Scholæ publicæ in tribus

c. 12.

saltem Imperii Civitatibus erigantur. In Clericos fugitivos inquiretur. Petunt

c. 13.

ut quidam Episcopatus, qui subtractis bonis interierant, restituantur. Ut Mona-

c. 15.

steria

steria sibi collata Laici conferrent, & Sæculum IX. penitus collabi non sinant. Cædes & A.C. 829. privatorum vindictæ acerrime puniantur. Tandem majoris præ ceteris momenti est articulus de reprimendo abusu utriusque potestatis. *Nihil magis, inquit Episcopi, Disciplinæ Ecclesiasticæ & Reipublicæ nocet, quam quod a longo jam tempore Principes causis Ecclesiasticis se ingerant, & Episcopi tum ignorantia tum cupiditate plus justo negotiis secularibus implicentur.*

§. XXVII.

Institutio Laicorum Jona Auctore.

Institutio Laicorum a Jona Aurelianensi scripta est in gratiam Matfridi, ejusdem Civitatis Comitum, qui Episcopum suum rogaverat, ut quam brevissime posset, præcepta sibi conscriberet, quæ implendo & ipse & alii Christiani in matrimonio vitam Deo gratam ducere possent. Hic Tractatus, etsi sit brevis, dividitur in tres libros, quorum primus & tertius omnibus Fidelibus, secundus vero conjugibus utilis est.

to. 1. Spicit. init.

Primo agit de obligatione, quam omnis Christianus in Baptismo subit. Transiens deinde ad Confirmationem, hortatur, ut ejus collatio non differatur. Quod argumento est, jam illa ætate Sacramentum Confirmationis a Baptismo